



Finale

't Limburgs Vastelaovesleedjes Konkoer

10 februari 1995

La Rochelle te Roggel



GERRIT HENDRIKS ASSURANTIËN

Grote Laak 1a Roggel
Tel. 04749-2123



- VERZEKERINGEN
- HYPOTHEKEN
- FINANCIERINGEN
- PENSIOENEN
- SPAREN

WOORD VEURAF

Veur de negetiende kier is 't speul op de wage. In zaol La Rochelle in Roggel zal vanaovend bekind weure wee het Limburgs Vastelaovesleedjes Konkoer 1995 zal goon winne. Neet dat DAT noe 't belangriekste is van uzze jaarlekse konkoer. Veeul belangrieker is 't feit dat mie es 200 nuj leedsjes zien towgevoog aon 't Limburgs volkskultureel erfgoed. En dat veer via Omroep Limburg en via us twee CD's èn via us teksbeukske gaans Limburg en wied daoboete kinne laote mitgenete.

Euvergnès: 't waor de miserie wel dit jaor de weke roond de Konkoer. Mooder Maos waor grillig en oonberekenbaar en aoch veul leedsjesmakers oet de maosdurrepe hubbe dao onder te leije gehad. Mèh zuug, de maoskaanters hubbe 't neet debeij laote zitte en veer zien daan aoch zier blij en gruuts dat onder de dertien finaliste e groet aontal nummers zien oet de getroffe maosgebiede. Proficiat!

Daorum ondersteunt 't LVK van harte 't initiatief van de B.C.L., de S.L.V. en de L.V.K.A. um de getroffe Carnavalsvereniginge in de maosdurrepe te ondersteune en te hellepe op hiel veul menere. Mèh dat is inmiddels via de peers wel bekind. Toch nog eve de baanknummers: 65.19.78.548 (dat is de ING-Baank) of via posgiro: 107.7074.

Good: vanaovend zitte de café-juries in Blerick, Mestreech, Linne, Vaals, en Born. Vandao oet weurt bepaold in welke volgorde de dertien leedjes zulle eindige.

Veer weense de finaliste veul succes, de winnaar proficiat en hope dat aoch volgend jaor weer hiel veul leedsjes ingesjreve weurde veur uzze twintigste Limburgse Vastelaovesleedjes Konkoer.

Alaaf, mit nog e bitteke naate veuj.

Mestreech, 10 fibberwari 1995

Chrit Leenders, veurzitter.	Stan Spauwen, secretaris.
--------------------------------	------------------------------

Mit dank aon de plaotseleeke organisaasie in Roggel:
Zanggroep "Eige Wies" en Speelgroep Roggel (samen vormend de Stichting Cultureel Roggel).

Mukke Bummele

Tekst: F. Boermans

Muziek: Giel Aerts Z.G.

vers 1

Ik heb gehoord, det in de buurt,
't örges toch zoë joeksig wuurd.
Wao of det is, wae det ens wis.
det wetste pas as te d'r bis

refrein

Wae geit d'r mei naor Mukke Bummele
en wae de waeg wet löp veurop.
Weej zitte thoës maar te beschummele
dao velt 't daak ôs op de kop.
Laot ôs now neet d'n tiëd verlummele
want anders kômme weej d'r neet.
Kôm laot ôs gaon nao Mukke Bummele,
maar Joës maag weite wao det leet

vers 2

In elk geval, geej raojt 't al:
dao is vandaag weer maskesbal.
Dao gaon weej haer, weej danse gaer
't is van heejoët gaer neet vaer.

vers 3

Kômpe geej beej, of blief geej heej
waat eder duit det steit um vreej.
Maar 't wuurd al laat, dus wet ge waat:
dan now maar jöh, weej gaon op paad.



De Paeperbus

Tekst en muziek: Hans Sterk

refrein

Wae haet dan noeë weer mit, de paeperbus gesjtruid
Os koakt 't blood v'r sjtaon vuur en vlam
't zint de daag dat hiej de vasteloaven bluijd
Joa gans Limburg makt tam tam
Wae haet dan noeë weer mit / de paeperbus gesjtruid
de veulst de kriebel i dien ganse rubbekas
bis esjagoonsdig wirt geknoeveld en geduijd
Groeët en klaen, jieëkeraen laeft vuuër de sjpas

vers 1

't joas is juus 'n wintersjloap, zo zônger carneval
gaen sjtimmung op de sjtroat en nôrges huurt me sjtomme kal
mer es de drie dôl daag doa zint, da roope vieër: "ALAAF" !
vieër waete neet wat aan os is en vroage os noeë aaf...

vers 2

En klink doa weer de bloasmeziek, da wilste ummer goa
da kriebelt dich 't ganse lieëf, kinste neet blieve stjoa
dat vasteloavessjpasgeveuël, dat deet os toch zoeë good
dus sjtruij mer mit de paeperbus, dasjtruijmd bieje os 't blood...

Refrein (2X)

(Laatste zin tweede refrein: joa wat is noeë 't laeve zônger sjpas !)

Ajajajaj

Tekst en muziek: Jos Senden

refrein

Ajajajajajajaj, de sjtèès mich op m'n tiène
Ajajajajajajaj, de sjtèès mich op m'n veuj
Ich vraog mich aaf was dich hie op dèèn daansvloere kums doe
wors dich mer sjtillekes aan ut buffit blieve sjtoe
Ajajajajajajaj, de sjtèès mich op m'n tiene
Ajajajajajajaj, de sjtèès mich op m'n veuj

vers 1

Jao, daanse wor noets miene sjterrekste kaant,
es ut laangsemkes gèèt is nog niks aan de haand
Zoe gow ut get flotter gèèt, how ich neet mie bie
Dan huurse wer dit, dat zalste zie

vers 2

Ich sjton miestal urreges aan ut buffit
mè af en toe trikke ze mich wal ins mit
en bin ich da eindelijk è bietje op wèègs
da rope ze wer leenks en rèèchs.

Get later baove water

Tekst en muziek: Peter van den Akker

vers 1

As ich mich lekker oet wil laeve,
Den môs-ze mich maar laote gaon.
Wils-ze mich nôw neet ves vergaeve,
Det ich wir laat op 't sjtuupke sjtaon.

refrein

Ich kôm vanzellef baove water,
Mesjien get nater, en auch get later,
Maar ens de zal ich d'r wir zien.
Want tref ich 'nne kater,
Waer ich 'n bietje vrech.
Den maak ich gèn teejater,
Ich jaag det biësjje weg.
Ich kôm vanzellef baove water,
Mesjien get nater, en auch get later,
Maar ens den zal ich d'r wir zien,
Al zal 't doën beej 't daagleech zien.

vers 2

As ich 't menke met dae'n hamer,
Neet heb gezeen of heb gehuërd.
Den zal mien frisse baovekamer,
Vur mich bepaole wie laat 't wuërt.

vers 3

Ich zal besjiis neet aaf gaon häöke,
Umdet ich weit wat ich den mis.
Ich-zôl zelfs 'n sjtökske kënne bäöke,
As dit nôw ech miene lètste is.

"Och laot mich, nog effe droume...!"

Tekst: Theu Ramakers

Muziek: Leo Ramakers

Refrein

och laot mich, nog effe droume,
want woeë ich waas,
doa vónj ich miên gelök,
ich noe wis, woeë
ich gewaes waas,
den droumdje ich mich dao haer trök
al "leep" ich gaate in miên zök,
Es ich noe wis, woeë
ich gewaes waas,
den droumdje ich -mèt get gelök-
mich dao haer trök...!

vers 1

Vastelaovendj huuërtj bie Limburg
is ein sjtökske van 't jaor
en es Luuj dat neet begriëpe
höbbe diej 't drier daag zjwaor
Niks zoeë sjoëen es einselgenger
sjtaon te zinge oppe'n hook
in ein dörpke waat mich leef is
aojerwèts, wiej bookeskook...

vers 2

Es 't oeëts zoeë- ver zal kómme
det ich neet mieër mèt kan doon,
neet mieër mèt dich rón dj kan sjpringe
zaktj de mood mich inne sjoon
Den weit ich waat mich te -doon sjteitj,
lègk de kop op 't buffèt...
en den vraog ich: laot mich effe,
es-se wils, droum mèt mich mèt...

De ganse santekroam

Tekst: Cor Kuipers

Muziek: Thijs Kleeven

refreïn

Strakkes goan web met de ganse santekroam
nô d'n hemel, nô d'n hemel
en Pietrus zaet: "geej het 't good gedoan,
godde geej ma beej dât engelke doa stoan"
en engelke heer, en engelke doar
't lifst en engelke met echte engelehoar.
Strakkes goan we mit de ganse santekroam
nô d'n hemel, dât is rechtsâf beej de moan.

vers 1

Beej kaarte wer gen troef
of enne kraan di lekt
wât werde saggereinig
vân en bus die net vertrekt
ok vâ en laege knip
of 'n kapotte toët
Ma mâk d'r ma 't beste vâ
want êns da is dât oët.

vers 2

' wingse weenkelkâr
of enne slechte buut
messchien loëpte aal roëd â
âs d'n tap heer dalik sluut
of enne blauwe breek
en oor te laat de krant
ma oeits keumt d'r en ende á
ân aal din trammelant.

Wo duuje diej diej ?

Tekst: Jan Huyskens

Muziek: Naud Reyners

Vers 1

Dao is ein kefee, dao is 't maar klein
toch kroepe dao hongerde "gekke" biejein
Det gans klein kefee zit harsjtikke vol
de deure en rame sjtaon drie daag lang bol
ze drinke en zinge versjrikkelik h el
en dan kump dao auch nog de Prins mit kep el...

refrein

Wo duuje diej diej, wo duuje diej diej
Wo duuje diej diej dan.... (2X)
Diej duuje nao veure, nao achter, opziej
en zo duuje diej dan weer drie man d'r biejein
Zo duuje diej diej, zo duuje diej diej
zo duuje diej diej dan.....(2X)

vers 2

Dao is ein klein d orp, heel sjtil en heel sjoon...
maar mit vastelaovend is heel get te doen...
D'n optoch dae trek, de luuj h obbe lol...
de sjtraote en pleine sjtaon harsjtikke vol...
Ze drinke en zinge, 't is ein  ngerein
dan kump aan de sjtasie de hollandse trein...

TUINCENTRUM EN BLOEMENHUIS

De Pollen

PAUL TEEUWEN
HOEK 1
6088 ES · ROGDEL



Dorpstraat 8a, Roggel, Tel. 04749-1686

gesponsord door



Rabobank

Diech bis 't zönneke

Tekst en muziek: Bert en Ursula Garnier

refrein

Diech bis 't zönneke, jao diech ellein.
Es iech diech zeen, daan bubbele m'n bein.
Of 't noe regent of störm in Mestreech.
En ederein dee kin't aon diech zien,
diech bis veur miech e straölke zannesjien.
Vaan diech ellein kreig iech kriebels in de maog.
Diech bis 't zönneke vaan miech met die drei daog !

(2X)

vers 1

En iech höb vlinders in miene boek.
En iech bubbel wie e bleedsje aon 'ne stroek.
M'n haore stoon rechtop, m'n kneje knikke hel,
iech kreig sjevraoje, jao iech höb hinnevel.
Es iech diech met Karneval zeen goon,
daan dink iech: Wie kin zoeget bestoon !!!

Wat vlúug d'n tied vurbeej

Tekst en muziek: Peter van den Akker

vers 1

Wae deez dreej daag haet verzônne,
Haet dae waal good naogedôch
Is dae neet get krinterig begônne
Want achterAAF blièk dreej daag neet genôg

refrein

Och wat vlúug d'n tiéd vurbeej
Nemus hèlt 't heej nag beej
Vur ze 'n-'t wèts, is ech 't lètste eurke heej
As " lètste oor den sjeit
Ving ich 't jaomer det ich weit
Det de vastelaovend mich verlaote geit
Jao as 't lètste oor heej sjeit
Ving ich 't jaomer det ich weit
Det de vastelaovend mich verlaote geit

vers 2

As ich Vader Tiéd kôs vraoge
Huër nôw ens aan wat ich wil
KènS-ze mich d'n tiéd neet get vertraoge
Of zèts-ze um mesjien waal vur mich sjtil

vers 3

As-ze sjtrakkès heej gaon kaere
Zak mich de mood in de sjoon
Wie kèn ich mich dao taenge verwaere
Wae zaet mich toch wat ich daoan kèn doon.

Vasteloavesvirus

Tekst: Jan Ridderbeekx

Muziek: Wil Aendekerk

't is jeeker jaor 't zellefde leedje
En ummer bèn ich weer de klos
In november veul ich 't al kómme
Pas mit de vastelaovend bruk 't richtig los

Dat is 't vasteloavesvirus
Mer ich zit d'r gaar neet mit
Ich hoof neet in bèd te blieve
Nae, ich veul mich zellefs fit
Ich hōb 't vastelaovesvirus
Raoze deit dat driej daag langk
Jeder miensj dae kènt 't kriege
En me veult zich gaar neet krangk

Me kènt 't truk aan de simptoome
En haet 't al veurdat me 't wèt
Begint de vrouw inèns mit gekke kuure
dan haet me gans besjlis hãör auch d'r mit besjmèt

Dat is 't vastelaovesvirus..

Auch hiej zeen d'r, diej zeen ónröstig
Mich dungk dao wirk 't virus al
Jeuk 't neet, dan gaot geet dem noch kriege
Hawt g'r 't neet mieè oet dan is 't carnaval

Dat is 't vastelaovesvirus.....

Pappa betaaldj

Tekst: Huub Brouns

Muziek: Lou Paffen

Refrein

Pappa betaaltj !! Pappa betaaltj !!
Zalig te gaeve, want lang zal d'r laeve
Pap teltj d'r bie. Hèltj ós waal vrie
Geine dae taaltj as Pappa betaaltj
Alles egaal Pap is rojaal
Göl-zeen en gaeve meuktj nichte en naeve
Pap is getaptj Pappa dae laptj
Nemes dae baaltj as Pappa betaaltj

vers 1

Het hiël jaor is Pappa zoeë nej es de nete
wae mótte mer laeve as echte ascete
Wae hate det kruuts, want wae haoje van muntj
Mer mèt Vastelaovendj is Pap oze vrundj

vers 2

De wichter zeen erm al verdene die duite
ze laote ze rolle mèt kleppe en kuite
Op zjwart-zaod gei geld, mer ze weite wal raod
Den is Leve-Pappa naog lang neet zoeë kwaod.

Zoe gek wie 'n sjöp

Tekst en muziek: John Thoma

refrein

Iech bin zoe gek wie 'n sjöp, Iech bin zoe gek wie e raad.
Gelökkig bin Iech neet alleijn
want zoe is groet en zoe is klein.
Iech höb 'ne slaag vaan de smik
die driij daog höb Iech 'nen tik.
Iech höb ze neet mie op 'n rij.
Iech tèt neet welier mie es driij

vers

'T is eder jaor 't zellefde, 't is eder jaor weer pries.
Iech vroag mich met die daog daan aof:" bin Iech nog wel good wies ?"
Iech weur daan kudedöl die daog. 't dreijt m'ch driij daog laank.
'T gelök is met de gekke daorum gaon ich miene gaank...

Idd'ren daag wie vandaag

Tekst en muziek: Peter van den Akker

vers 1

As ich neet truuk gefloate waer,
Maar rôngk kèn sjpringe wie 'n vaer,
Den zègk ich dich op sjtaonde voet,
Laot mich maar gaon, want ich gaon good.

refrein

Och 't kôs mich ech niks gaeve,
As ich altiéd zoë môs laeve.
Want den wuért ech iddr'en daag,
Nèt zoë lekker wie vandaag.
Den wuért zoë gauw as 't maar geit,
Jao iêrlîk alle leid,
't nekske umgedreijt.
Zoë sjlaon ich en det id knap,
Twiëj diêkke vleege in eine klap.
Och 't kôs mich ech niks gaeve,
As ich altiéd zoë môs laeve.
Want den wuért ech iddr'en daag,
Nèt zoë lekker wie vandaag.

vers 2

As deze'n daag ens neet verdwiént,
Maar morgevrúug opniéj versjiént,
Den dink ich det me auch beej ôs,
Wie God in Frankriék laeve kôs.

Herhaling refrein: alleen de laatste 4 regels
met als sluitregel:

Nèt zoë lekker, nèt zoë lekker,
Nèt zoë lekker wie vandaag.



NR.	LIEDJE	VAALS	MAASTRICHT	LINNE	BLERICK	BORN		TOTAAL
1	Mukke Bummele Venlo							
2	De paeperbus Hoensbroek							
3	Ajajajaj Mheer							
4	Get later bove water Tegelen							
5	Och laot mich nog effe droume Heel							
6	De ganse santekraom Horst							
7	Wo duuje die diej ? Roermond							
8	Diech bis 't zönneke Maastricht							
9	Wat vluug d'n tied vurbiej Belfeld							
10	Vastelaovesvirus Geleen							
11	Pappa betaaldj Neer							
12	Zoe gek wie 'n sjöp Maastricht							
13	Idd'ren daag wie vandaag							



De beste bakker

Heverstraat 8
6088 BH Roggel

Telefoon (04749) 1320

GULPENER



LIMBURGS BIER

STICHTING
KUNST & CULTUUR
LIMBURG



ptt telecom



Dagblad de Noord-Limburg

De Limburger

OMROEP  LIMBURG

ptt post

hoofdpstkantoor